

開放文學－神鬼仙俠－銀瓶梅 第十四回 借英雄九齡贈書 恩酬願明皇發駕

詩曰：英雄被屈志難伸，待遇忠賢歷訴陳。

贈賜書函投學士，覆盆冤陷一朝伸。

當時，梁瓊玉言來有理，事所當言，雲龍、高角欣然從之，命嘍囉將自己三人捆綁起，背上押上刀斧，一同下山。見兵隊中老丞相在鑲金八抬轎裡座，童顏白髮，五絡雪白長鬚鬚，雙目澄清，威嚴凜凜，弟兄三人一同下跪叩首，座前請罪。

有張丞相命左右鬆了捆索，收了刀，曰：「三位豪傑，且請起，休得拘禮。老夫今日解任回歸，道經此山，不知汝等在此山踞守，但清平之世，豈可埋伏於綠林？一者擾害良民，二者有幹國法。今皆自綁來見老夫，汝心有何趨向、有何事情？不妨直達知聞。」

梁瓊玉先開言曰：「上稟老太師老大人。」當時即將業師劉芳被本土柳知府不察其冤情，屈害致命，陳升與己家散人亡，盡將一番前事稟知。張丞相聞此，怒氣頓生，曰：「有此昏昧狗官，文武同惡相濟，只知抄取人家產業，不理冤屈深清，深負君上隆恩。令他治民，實則害民也。待老夫回歸故里，事暇定必拜本歸朝，以謝皇恩，附本除狗官也。復回汝們故業，不須憂慮也。原來前月江南胡夏使有本回朝，言松江府二龍山先劫高麗進貢寶馬；後劫法場，搶去朝廷重犯一名。盜首殺死總兵二人，打傷副將三員，官兵死者三百餘，正在部議征剿起兵，豈知官逼民為盜，至身入綠林！」

瓊玉又稟上：「老太師爺，若待大人回歸貴省，已有三四千里來返，拜本進京已有三月程途，倘朝廷果然不知其委曲，一動兵來征伐，丞相本章未到，豈非不及？莫若小童生等上京都告皇狀。但無親故在京為官，是不敢造次。只乞求丞相明鑒參詳。」

九齡一想，果然待回廣東，然後上本，有六七十天方到，豈非不及？就於此吩咐取過文房四寶，寫書一封，遞交瓊玉，言：「一到京都，尋覓著大學士李白大人，倘一見老夫之書，自然即刻傳汝進見。吾書中將汝提拔於此人，但老夫觀汝一貌不凡，日後不失為皇家之貴，且你弟兄三人豈可久於身入綠林，終無顯現之日？不若出仕皇家，立些功業以顯耀雙親，揚名後世，方為正路。」

三人叩首曰：「謹從相爺鈞諭。」

當時，張丞相吩咐登程。三弟兄謝恩，遠送三十里，離山太遠，丞相催止步。三人領命。丞相仍吩咐照書行事，不可違背，須要早歸朝廷。三弟兄諾諾，連聲拜謝而回。

有張丞相一程回本土，道經南雄嶺，見嶺難於行走，一回至韶州曲江縣，發傳本土官員，一府州縣辟修南雄嶺書院。也無交代，不多細表。

再說梁瓊玉得了張丞相手書，即日要拜別師娘顏氏及白、高兩兄長，奔上長安朝中，帶捷健精壯軍人二十名，一同起身。顏氏叮嚀一番：「道途上小心，謹慎風雨，保重身體。報仇雪恨，盡在賢世兄一人。」語畢，不覺下淚二行，瓊玉多言安慰。又蹣出外廂，白、高兩弟兄早已排開餞別之酒筵，三人敘飲，談語多時。用過餐膳，拜別，騎馬而行。非一天兩日到得長安皇都地面。

先說唐玄宗明皇於天寶庚寅曾想起在山東東嶽泰山許下舊願未酬。當唐明皇晚年，酷信鬼神愈甚。此一天，設早朝，各文武官臣朝參已畢，各分班侍立，諸文武無甚事情奏直。帝開言曰：「眾卿家聽著，朕一事在心。」眾臣曰：「未知陛下聖意若何？乞降諭音諭下。」

帝曰：「朕上年偶沾患疾，太醫院服藥餌無效，後命鍾禮部往山東東嶽泰山求丹，許願疾愈酬恩。今思親發車駕往酬嶽神大德。」眾吏合奏曰：「普天之下，莫非皇土；率土之濱，莫非皇臣。然酬答神恩，陛下命一大臣往代勞可矣，何必勞聖駕親往？況往返程途數千里，勞受風霜，且山獸虎狼不少，誠恐有驚聖上；跋涉險途，或有綠林埋伏。懇乞陛下洞鑒原由。」

明皇曰：「眾卿不必諫阻，朕若不親臨酬願，不見虔誠了。況今清平之世，哪有綠林埋伏者？即山獸遇於途，非朕一人，同一二臣前往，帶精壯軍兵五千隨駕護衛。」言罷，旨命禮部鍾景期書一龍鳳牌匾，上聖廟又製造神聖真衣冠帶靴子，一應限一月趕備足用，擇選吉山發駕登程。

眾臣領旨。

又命皇太子監國，將璽印交下，命左右兩相輔佐太子判治所有大政，並各省犯官解京者，三品以上官員暫收天牢，三品等官以下，卿等部家公議。

左右相並太子領旨。

又敕命中興王馬王兄與朕挑精兵五千，會同王曹兩卿保駕，李學士、鍾禮部、高力士隨行。

文武領旨。此日退朝。候至一月趕辦起金龍牌，神衣冠玉帶、靴子一應隨駕起馬。

當日，奸惡臣兵部尚書裴寬暗差家丁一名，私往山東赤松林投書與賊寇劫駕。家丁日夜趕程途。天子未到，家人先奔至山東赤松林。

嘍囉查問，引進山中，見了寨主鐵花綱。只因此賊不良，在山東初為小盜，後為大盜，殺人放火，被官兵捉拿太急，故反入赤松林招兵買馬，已經十餘載。他是裴寬妹子之兒。甥舅之情，故今裴奸來書，大約言：「聖上准於本月某日到山東東嶽廟酬恩，必經此山，可劫他車駕。保駕是中興王馬英，曹王二將，兵只五千，文員李太白、鍾景期、高力士耳！若劫駕事成，先行殺上長安，吾自朝內接應。甥舅同心，何難取了他江山？」

鐵花綱見了母舅來書，大悅，即厚賞來人，先回報知，復有書復上，並請舅爺大人金安，叮嚀他在內做照應之語。家丁領命，拜謝厚賞，復回也。

且不表。

再說明皇刻日起駕，有皇太子、左右相、文武大臣多送出皇城，而去數十多天，方得到山東。一路水陸行程，預早地頭傳知，各省府州縣境香煙靄靄的接駕跪送，一路上，內外城池張彩迴避，水陸法淨。不須細述。

一天，來到不近人煙城市之所，是入了山東境界，有鳳凰山一座。唐天子傳令下營歇息。有李學士諫曰：「此山高峻險阻，且不近城市地鎮，四邊荒野野村，虎豹太多，萬一有盜寇藏聚其中，只慮有驚聖駕。不若在途趕近城鎮駐驛，方見穩當也。」明皇曰：「久聞鳳凰山靈禽異獸甚多，今昇平之世，豈有草寇？即有些小不皇化的，不敢來此驚駕，況有馬卿英雄！豈懼小寇？卿不須諫阻，且傳旨，各將兵放圍場，共一遊獵。」

是日，擇地安營。武將領旨，開圍發炮，弓馬馳騁。要射的飛禽山獸好不興鬧。正是君臣共樂。將兵紛紛獻的鴻雁猿鹿之類，帝大喜出營。兵將武士追迂四圍，百里之山，打射不休。住語君臣遊獵之樂。

再言赤松林近鳳凰山不出三十里之遙，鐵花綱早知帝駕十月中旬將到山東境界，故天天命嘍囉數十名分散下山，打聽消息。此日一聞帝不走大道入關，反往鳳凰山打圍，正喜他合當遭劫。即刻，點起壯健嘍囉一萬，手提大斧，飛身上馬，一程急跑殺上鳳凰山。響炮連天，大隊圍困在山腳，聲言要搶帝王。

有軍兵入報，明皇大驚。即命收圍，喚過文武百官曰：「朕不聽李卿家諫言。故有強寇來劫，如何抵敵出山？」有武平侯王仁勇曰：「聖上放心，待臣出馬擒拿賊首，賊兵自然驚散。」明皇准之。王仁勇帶兵二千殺出山外，大喝：「何方逆寇，膽敢犯驚帝駕？急通上狗名受死也。」

那盜寇大言曰：「某乃赤松林寨主，名鐵花綱，要殺上長安，取位登基，不料唐天子反遠來山東送上大位，且要他寫下降書抑或交出玉璽印，可活一命。汝非某對手，且見個高低。」言畢，大斧打去。未知二將爭戰勝敗，下回分解。